

Aningaasaqarnermut Ataatsimiititaliap suliaq nr. 01.31.06/08-003 44 pillugu tallimangornermi ulloq 27. juni 2008-mi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 23. juni 2008-mi aalajangiinerani nr. 306)

KIIN&p susassaqrfiata iluani missingersuutitut sunniuteqanngitsumik nuussineq pillugu (NCB-p akitsuusiinera)

Naalakkersuisut inassutigaat,

- konto pingaarnermi 40.15.01-imi, kulturimut tapiissutitut allanut tunngasumi, aningaasaliissutit 125.000 kr.-inik ikilineqassasut.

- konto pingaarnermi 40.14.09-mi, Aviisit nuna tamakkerlugu saqqummersartut assartorneqarneritut aningaasartuutitut nuusiorfiillu NCB-p akitsuusiineranut akiliutaannut matusissutissatut tapiissutitut tunngasumi, aningaasaliissutit 125.000 kr.-inik amerlineqassasut.

Aningaasaqarnermut Ataatsimiititaliap oqaaseqaatai

Aningaasanut inatsimmi kontomut pingaarnermut NCB-p akitsuusiineranut (Nordisk Copy Right) tunngasumik tapiissutitut 125.000 kr.-it nuunneqarnissaat siunnersuutigineqarpoq. Tamatumunnga tunngaviuvoq siunertamut taaneqartumut aningaasaliissutit 2/3-ii aprilip qaammataata naanerani atorineqarsimanerat. Kalaallit nipilersugaannik tunisassiornerup tapersorsorneqarnissaanik kissaateqarnermut taamatut nuussineq naapertuuttut Naalakkersuisunit isigineqarpoq.

Aningaasaqarnermut Ataatsimiititaliami amerlanerussuteqartut, Inatsisartunut ilaasortat Augusta Salling, Otto Jeremiassen aamma Palle Christiansen, isumaqarput suliassaqrfimmit 40.15-imit, eqqumiitsuliornermut tunngasumit, suliassaqrfimmut 40.14-imut, Kulturimut tunngasumut, aningaasanik taama nuussineq kultureqarnermut aningaasaliussat annertusineqarnissaanik Inatsisartut kissaatigisaannut naapertuuttoq. Tamatuma saniatigut nuussinissap Kultureqarnermut Siunnersuisoqatigiinnit akuersissutigineqarsimanera amerlanerussuteqartunit pingaartinneqarmat qinnuteqaat amerlanerussuteqartunit akuersissutigineqarsinnaavoq.

Aningaasaqarnermut Ataatsimiititaliami ikinnerussuteqartoq, Inatsisartunut ilaasortaq Isak Davidsenip, qinnuteqaat akuersissutigisinnaangilaa. Kalaallit nipilersugaannik saqqummiineq nunatsinni kulturimut tunngasunut allanut sanilliullugu tapiissuteqarfigineqarnissamik pisariaqartitsinngitsoq ikinnerussuteqartoq isumaqarpoq. Tamatuma saniatigut tapiissutit nipilersukkanik tunisassiornermut ataasiakkaanut sammitinneqaratik eqqumiitsuliornermut annertunerusumik sammitinneqartariaqartutut isigineqarpoq.

Aningaasaqarnermut Ataatsimiititaliami ikinnerussuteqartoq, Inatsisartunut ilaasortaq Agathe Fontainip, qinnuteqaat aamma akuersissutigisinnaangilaa. Namminersorerullutik Oqartussat kulturimut tapiissutaasa siunertanut allanut nuunneqarnissaat ikinnerussuteqartup naapertuutinngitsutut isigaa. Minnerunngitsumik aningaasat filmiornermut tapiissutigineqartut nuunneqarnerat naapertuutinngitsoq ikinnerussuteqartoq isumaqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit amerlanerussuteqartunit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua